



**OPĆINA NOVI GRAD SARAJEVO  
OPĆINSKO VIJEĆE**

**VIJEĆNIČKA PITANJA I INCIJATIVE**  
2. SJEDNICA OPĆINSKOG VIJEĆA  
NOVI GRAD SARAJEVO

SARAJEVO, mart 2021. godine

BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
- Općinski načelnik -

Broj: 02/02-04-3228/21  
Veza:02/11-19-3359/21  
Sarajevo, 19.02.2021. godine

## **OPĆINSKO VIJEĆE NOVI GRAD SARAJEVO**

**Predmet: Odgovor na vijećničko pitanje/inicijativu, dostavlja se**

### **Vijećničko pitanje/inicijativa**

**-vijećnik Silvije Kristić-**

Zamoljen sam od strane stanovnika Općine Novi Grad, mjesna zajednica Reljevo, da izvršite inspeksijski nadzor nad radom pravnog lica Bosman d.o.o., koji na području pomenute mjesne zajednice gradi veliki nasip i blokira, za više domaćinstava, odvod otpadnih voda. Stanovnici se žale da se već fekalije mješaju sa ostalim otpadnim vodama, te da se plavi njihova imovina.

Molim da izvršite inspeksijski nadzor na ove okolnosti i provjerite da li pomenuto pravno lice ima potrebne dozvole, te pri vršenju radova postupa u skladu sa svim važećim zakonskim propisima. Ljubazno molim ukoliko KUIP nije nadležan za pomenuti nadzor da, shodno Zakonu o upravnom postupku FBiH, obavijesti nadležni javni organ i inspekciju da obavi nadzor.

### **Odgovor:**

Na osnovu prijave građanke nastanjene u neposrednoj blizini predmetnog lokaliteta, komunalni inspektor je, dana 12.02.2021.g. izvršio uviđaj na lokaciji te konstatovao da je na privatnom posjedu (kao priprema za uviđaj izvršena provjera posjednika u elektronskoj bazi podataka FGU) došlo do nasipanja većih količina zemlje. Takođe je izvršen uvid u stanje instalacije oborinske odvodnje ispred stambenih objekata lociranih u blizini te konstatovano da je odvodni kanal (dijelom zemljani iskop, dijelom ucijevljen) u nekoj mjeri u funkciji da bi na ravnom dijelu zemljišta, koje graniči sa nasutom parcelom, došlo do razlijevanja. O svemu je sačinjen zapisnik i stanje fotografisano. Kako općinski komunalni inspektor nema nadležnost ni po pitanju aktivnosti odlaganja zemlje niti na privatnim posjedima, tako je konstatovano stanje evidentirano sa namjerom da bude proslijeđeno stvarno nadležnom organu.

Kako je općinski komunalni inspektor upoznat sa činjenicom da je Bosman d.o.o. izvršio nasipanje posjeda, tako je, u svrhu medijacije, obavljen razgovor sa predstavnikom firme Bosman d.o.o. koji je izrazio spremnost da poduzme potrebne aktivnosti u svrhu rješavanja problema odvodnje oborinskih voda a sve u dogovoru sa građanima nastenjenim na tom području. Objema stranama su, putem telefona, dostavljeni potrebni kontakti a sa podnosiocem prijave je, putem telefona, dogovoreno da, u slučaju da sporazum između građana i firme Bosman d.o.o. ne bude postignut, o istom obavijeti komunalnog inspektora kako bi proslijedio zapisnik i

fotografije Kantonalnoj upravi za inspekcijske poslove-Inspektoratu urbanističko-građevinske, ekološke, komunalne i stambene inspekcije koja je, na osnovu člana 40.stava 1. i člana 63. Zakona o komunalnoj čistoći (Sl. novine KS 14/16, 19/17, 20/18, 22/19), nadležna po predmetnom pitanju

Obradila:

Služba za inspekcijske poslove

GLAVNI INSPEKTOR

Ferid Nakić,dipl.ing.arh.

Općinski načelnik

mr.Semir Efendić

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/02-04-3228/21  
Veza:02/08-19-146/21 R.T.

Sarajevo, 03.03.2021. godine

## OPĆINSKO VIJEĆE

### **PREDMET: Dostava odgovora na vijećnička pitanja**

U prilogu dopisa dostavljamo Vam odgovore na vijećnička pitanja i inicijative općinskih vijećnika sa 1. radne sjednice Općinskog vijeća Novi Grad Sarajevo, održane dana 11.02.2021.godine.

#### **a) Vijećničke inicijative**

##### **-vijećnik Adi Škaljić-**

1. Izgradnja natkrivnih niša za kontejnere u ulici Branislava Nušića.

Obrazloženje: Iz slike koja se nalazi u nastavku ove inicijative jasno je da se radi o ekološkom problemu izazvanom nepostojanjem natkrivne niše za kontejnere. Ovi problemi naročito su izraženi u toku vjetrovitih dana, kada se smeće raširi po cijelom naselju. S obzirom da se radi o mjestu gdje svoj otpad odlaže veliki broj stanarki i stanara, mislim da je izgradnja natkrivne niše logičan korak ka osiguranju ugodnijeg stanovanja. (prilozi kod Sekretara OV)

#### **Odgovor:**

U vezi sa Vašom inicijativom sa 1.sjednice Općinskog vijeća Novi Grad Sarajevo održane dana 11.02.2021.godine, obavještavamo Vas da je problem odlaganja otpada na predmetnoj lokaciji već predhodno uočen, te su 2020.godine poduzete sve zakonske aktivnosti u cilju rješavanja navedenog problema. S tim u vezi, predmetna lokacija (ul.Branislava Nušića kod broja 158A-C) obuhvaćena je Programom „Sredstva za izgradnju niša i podzemnih spremnika / zvana za prikupljanje otpada”, te se postavljanje Posuda za prikupljanje otpada tip „Zvono“ (8 posuda kapaciteta 2.500,00m<sup>3</sup>) očekuje u narednom periodu prilikom realizacije Ugovora Izvođenje radova na izgradnji natkrivenih niša i nadzemnih spremnika – zvana”. Napominjemo da je u prethodnom periodu pripremljena podloga za postavljanje istih.

2. Izgradnja parka za velike i male pse na lokaciji livade kod Doma Zdravlja Saraje-polje, do ulice Ante Babića.

Obrazloženje: Projekat izgradnje parka za pse na Alipašinom polje pokazao se uspješnim. Vlasnice i vlasnici konačno imaju lokalitet gdje mogu sigurno, opušteno i bez uzurpiranja prostora koji koriste ostali građani izvoditi svoje ljubimce. Potreba za izgradnjom istog ili sličnog parka postoji i za području B-faze, Saraj-polja

i Olimpijskog naselja. Veliki broj vlasnica i vlasnika pasa nema ograđen i uređen prostor za izvođenje svojih pasa, a postoje i građanke i građani kojima prisutnost pasa na zelenim površinama nije ugodna. Kako bi se sve navedeno riješilo, iniciram izgradnju parka za pse po uzoru na već izgrađeni u A-fazi Alipašinosog polja.

**Odgovor:**

Izgradnja parka za pse na Alipašinosom polju je dio projekta izgradnje parkova za pse na tri lokacije na području Općine Novi Grad Sarajevo. Lokacije su odabrane prema kriteriju prostornih mogućnosti i broja stanovnika koji gravitiraju tom mjestu. Planirani su parkovi u naselju Alipašino polje A-faza (kojem gravitiraju sve faze A.polja), naselje Otoka (kojem gravitira naselje Otoka i Nova Otoka te naselje Dobrinja. U nacrtu Budžeta za 2021 godinu je planirano 60.000,00 KM za nastavak ovog projekta. Nakon završetka izgradnje parka za pse na ove tri lokacije, sagledati će se prostorne i finansijske mogućnosti, kao i opravdana potreba za gradnjom dodatnih parkova za pse. Također je potrebno definisati i održavanje istih nakon izgradnje.

**-vijećnica Elza Gaković -**

1. Na 31. Radnoj sjednici Općinskog vijeća Novi Grad Sarajevo, prezentirana nam je i informacija KJKP "Vodovod i Kanalizacija" d.o.o. sarajevo o stanju vodovodne i kanalizacione mreže i snabdijevanju vodom na području Općine Novi Grad Sarajevo. Znamo da se naselja Sokolje, Briješće, Zabrdje, Reljevo, Rječica i drugi bore sa dugogodišnjim problemom, nedostatkom kolektora za prikupljanje otpadnih voda. Građani uredno plaćaju svoje račune za odvod otpadnih voda a rješenje kolektora se ne nazire. Na toj sjednici uputila sam pitanje direktoru KJKP "Vodovod i Kanalizacija" da li su na tragu rješenja ovog problema, te da se uz detaljne analize konfiguracije tla, broja kuća i objekata pristupi izgradnji i pronalazanju lokacije za kolektor. Do danas nismo dobili nikakvu informaciju za pronalazak rješenje niti urađenim analizama. Molim nadležne da se očituju po ovom pitanju.

**Odgovor:**

Prema planskoj dokumentaciji (prostorni plan KS i regulacioni planovi navedenog područja) priključenje otpadnih sanitarno-fekalnih voda treba da se vrši putem separatne kanalizacione mreže. Posebno se odvode otpadne sanitarno-fekalne vode na „Prečistač“ otpadnih voda a posebno se odvode atmosferske vode u otvorene vodotoke (potoke i rijeke).U naselju Zabrdje, Dobroševići, Rječica,rajlovac, dio naselja Briješe i Sokolje ovo nije slučaj jer ne postoji izgrađen prečistač otpadnih voda za ovaj lokalitet. Nепреčišćene otpadne vode iz naselja Zabrdje odvode se kanalizacijom do recipijenta Lepenički potok koji se direktno ulijeva u vodotok I kategorije, rijeku Bosnu. Iz naselja Rječica neprečišćene otpadne vode se odvode u potok Rječica koji se također direktno ulijeva u rijeku Bosnu. Iz naselja Reljeva i Dobroševića se otpadne vode putem potoka odvode u rijeku Bosnu. Dio otpadnih voda iz naselja Briješće ,Sokolje i Rrajlovac koje se zbog niže nadmorske visine od pečistača u Butilama nemogu transportovati na prečistač putem kanalizacija se ispuštaju u potoke koji se ulijevaju u rigol koji služi za odvodnju atmosferske vode sa magistralne ceste M17 (Safet Zajko) i u obodne kanala uz željezničku prugu do recipijenta Lepenički potok.Obzirom da ovi kanali nemaju potreban pad i da se u njih slijevaju veće količine otpadne vode često dolazi do plavljenja pruge u blizini pružnog prelaza Kisikana i okolnog područja u Rajlovcu i Reljevu.Planskom dokumentacijom u prethodnom periodu bio je planiran Prečistač na području Reljevo Dvor, međutim ta lokacija je izgrađena a planskom dokumentacijom još nije definisana nova lokacija za izgradnju prečistača otpadnih sanitarno-fekalnih voda.Predlagane su lokacije uz rijeku Bosnu na granici općine Novi Grad Sarajevo i Vogošća a postoji prijedlog prečistača na području Ilijaša.

1. Pokrećem inicijativu za izradu projektne dokumentacije za izgradnju ambulante i Mjesne zajednice na području MZ Zabrdje.

**Odgovor:**

Služba za investicije i komunalne poslove prosljedila je predmetnu inicijativu JU Dom zdravlja Kantona Sarajevo da se očituju po istoj. Broj 02/08/-19-125/21 od 23.02.2021. godine

Ukoliko se od strane JU Dom zdravlja Kantona Sarajevo dobije pozitivan odgovor, Općina Novi Grad Sarajevo će se, shodno važećoj planskoj dokumentaciji aktivno uključiti u rješavanje ovog pitanja.

**Prilog:** Dopis br. 02/08-19-125/21 od 23.02.2021. JU Dom zdravlja Kantona Sarajevo

**2.** Problem sa gradskih prevozom u Mjesnim zajednicama Zabrdje, Sokolje, Dobroševići, Rječica traju već godinama.

Građani su izrevoltirani neodgovornim odnosom i posljedicama kašnjenja na posao a djeca nemaju mogućnost na vrijeme i bez kašnjenja doći u školu. Jedino što traže jeste odvijanje javnog saobraćaja prema već odavno utvrđenom režimu vožnje.

Upozoravali smo godinama ali stanje je sve gore i gore.

Nekoliko puta pokretana je inicijativa o proširenju postojeće linije Željeznička stanica - Rajlovac na Željeznička stanica - Smiljevići.

Resursi već postoje. Mi ne trazimo upošljavanje novih vozača niti dodatni autobus. Građani i djeca svakodnevno vrlo nesigurnom cestom primorani su po 5 kilometara pješaćiti u jednom smjeru.

Tražimo hitni odgovor nadležnog ministarstva i rješavanje ovog problema. Građani ne žele više da trpe ovakav ponižavajući odnos prema njima te će u slučaju ne rješavanja ovog pitanja biti primorani odgovor tražiti ispred nadležnih institucija.

### **Odgovor:**

Inicijativa vijećnice Elze Gaković koja se odnosi na rješavanje problematike javnog gradskog prevoza koji se odvija na području MZ "Zabrdje", MZ "Naselje Heroja Sokolje" i MZ Dobroševići" i MZ "Reljevo" dostavljena Ministarstvu saobraćaja Kantona Sarajevo na nadležno rješavanje.

U prilogu akt br. 02/08-19-3655/21 od 22.02.2021.god. dostavljen Ministarstvu saobraćaja Kantona Sarajevo.

**Prilog:** Dopis br. 02/08-19-3655/21 22.02.2021.god. dostavljen Ministarstvu saobraćaja KS.

### **-vijećnik Silvije Kristić-**

1. Rješavanje problema građana sa otpadnim vodama u ulici Safeta Hadžića 94 - 96, Švrakino selo

Obrazloženje: Stanovnici ulice Safeta Hadžića u Novom Gradu imaju problem koji traje godinama. Nakon svake obilnije kiše, garaže i podrumi poplave, a zgrade na broju 94 i 96 ostaju bez struje. Pored toga što poplave svaki put naprave veliku materijalnu štetu postoji i ozbiljna opasnost od kontakta vode sa električnim instalacijama što može prouzrokovati povrede opasne po život. Pored toga obzirom da se voda zadržava duže vrijeme postoji i opasnost od širenja zaraznih bolesti. Kanalizaciona odvodna mreža nije u stanju podnijeti velike količine otpadnih voda koje se slijevaju sa brda Mojnilo i završavaju uglavnom u ovoj ulici.

Kako stanari tvrde, ovaj problem traje od davne 1998. godine, a niko od nadležnih nije reagirao.

U prilogu ove inicijative dostavljam i fotografije koje ukazuju na ozbiljnost problema.

### **Odgovor:**

- Zahtjev za rješavanje atmosferske odvodnje ulice Safeta Hadžića 94-96 je dugogodišnji problem čije rješavanje je prema Zakonu o upravljanju zajedničkim dijelovima zgrade (Sl.novine KS broj 17/18 i19/18) u nadležnosti Upravitelja zgrade, u ovom slučaju OKI doo Sarajevo. Upravitelj je dužan prema ovom Zakonu sve unutrašnje i vanjske instalacije do prvog vanjskog priključnog šahta držati u ispravnom stanju.
- Na Zahtjev OKI doo Sarajevo, Služba za inspekcijske poslove 2020 godine uvrstila je ovu zgradu na listu prioriteta NUŽNIH POPRAVKI kišne odvodnje i sanacije oštećenih dijelova zgrade.
- Prema ovoj listi izrađuje se Program nužnih popravki. po prioritetima.
- Predstavnici Službe za investicije i komunalne poslove i uposlenici KJKP "Vodovod i kanalizacija" doo Sarajevo izlazili su na lice mjesta više puta u svrhu pronalaženje rješenja za dio ovog problema a koji se odnosi na preusmjeravanje atmosferske vode u pravcu suprotnom od zgrade kolektivnog stanovanja u ulici safeta Hadžića 94-96..

- Postignut je dogovor da će se nakon potpisivanja Sporazuma o vršenju hitnih intervencija na kanalizacionoj mreži za 2021 godinu pristupiti izradi tehničkog rješenja, predmjera i predračuna radova a potom i izgradnje slivnika i linijskih rešetki kojima će se prihvatiti znatna količina vode i odvesti u šahtove za kišnu odvodnju.
  - Nakon usvajanja Budžeta Općine, Plana Javnih nabavki za 2021 godinu i potpisivanja navedenog Sporazuma pristupit će se navedenim radovima.
- 2 U što skorijem roku obezbijediti uređenje pješačkog prelaza sa propisanom vertikalnom signalizacijom ispred ulaza u gerontološki centar sarajevo u ulici Aleje Bosne Srebrene 7.

Obrazloženje: Obzirom da u pomenutoj ustanovi borave građani starije životne dobi, a vrlo često i sa poteškoćama u kretanju, uređenje pješačkog prelaza bi pomoglo ovoj kategoriji stanovnika naše općine prilikom dolaska i odlaska u prostorije centra. Pomenuta ulica je visokofrekventna i na istoj već postoje usporivači prometa pa bi dodatna izgradnja istih otežala saobraćaj za ostale učesnike. Nadležnost uređenja saobraćajnica je na kantonalnom ministarstvu saobraćaja pa je prilikom realizacije ove inicijative potrebno uključiti i ovo ministarstvo, ali smatram da inicijativa treba da potekne od OV Novi Grad jer direktno utiče na rješenje problema stanovnika naše općine.

#### **Odgovor:**

Vezano za inicijativu koju ste uputili na 1.sjednici O.V. Općine Novi Grad Sarajevo obavještavamo Vas da će se eventualna mogućnost i opravdanost realizacije razmotriti u okviru projekta obnavljanja saobraćajne signalizacije na području Općine Novi Grad Sarajevo.

- Izgradnja dječijeg igrališta za potrebe JU Djeca Sarajeva, Vrtić Žubor i Udruženja za podršku osobama sa intelektualnim teškoćama na području Kantona Sarajevo "Oaza"

Obrazloženje : Novootvoreni vrtić Žubor, na Teheranskom Trgu i Udruženje Oaza nemaju parka za aktivnosti djece. Pri otvorenju vrtića, lokalna zajednica niti viši nivoi vlasti nisu vodili računa o potrebi parka za djecu. Pored vrtića Žubor, nalazi se Udruženje Oaza koje radi sa osobama koje imaju intelektualne poteškoće na području Kantona Sarajevo. Sa druge strane zgrade, na zelenoj površini moguće je ograditi parcelu, te istu urediti kao dva dvorišta sa pripadajućim mobilijarom za djecu i štíćenike, kojim bi raspolagali vrtić i Udruženje. Za Udruženje bi se morao nabaviti prilagođeni mobilijar, prilagođen mentalnom razvoju štíćenika. U prilogu inicijative šaljem i fotografije.

#### **Odgovor:**

Predstavnici službe za investicije i komunalne poslove Općine Novi Grad Sarajevo će obaviti izlazak na teren i sagledati prostorne mogućnosti kao i opravdanu potrebu koju ste naveli u inicijativi. Za izgradnju parka je potrebno izraditi projektnu dokumentaciju, ishodovati potrebne saglasnosti i odobrenja za građenje te osigurati finansijska sredstva koja je potrebno palnirati kroz Budžet Općine. Bitno je napomenuti da je Općina potpisala okvirni sporazum za izgradnju jednog novog dječijeg igrališta, kompletnu rekonstrukciju tri igrališta i djelimičnu dogradnju dva igrališta, te da će se implementacija tog projekta finansirati kroz Budžet 2021 i 2022 godine

#### **-vijećnica Enisa Spahić-**

1. Inicijativu za obnovu ulične rasvjete i sanaciju udarnih rupa u Mjesnoj zajednici Staro Hrasno

Obrazloženje prijedloga inicijative: Već duži period ulična rasvjeta u MZ Staro Hrasno nije u funkciji. Unutar naselja ne radi gotovo niti jedna sijalica.(Slika 1., 2. i 3.) Zimski je period, rano se smrači i ne treba posebno naglašavati otežano kretanje i opravdan strah stanovnika za svoju sigurnost, a posebno za sigurnost djece i starijih osoba. Građani se zatvaraju u stanove, strepe pred kriminalom i svakom drugom nevoljom koju donosi mrak.

Na ulazu u naselje, Antuna Branka Šimića br.1 zbog štete koju je napravila grtalica, molimo da se sanira 5-6 većih oštih, udarnih rupa.

**Odgovor:**

Na osnovu Vaše inicijative sa 1. radne sjednice Općinskog vijeća Novi Grad Sarajevo održane dana 11.02.2021. godine, a koja se odnosi na neispravnu rasvjetu u MZ Staro Hrasno, obavještavamo Vas sljedeće:  
- Aktom broj 02/08-19-126/21 RMI od 06.07.2020.godine, dostavili smo Vašu inicijativu na nadležno postupanje Ministarstvu komunalne privrede i infrastrukture Kantona Sarajevo.

**Prilog:** Dopis br. 02/08-19-126/21 RMI od 06.07.2020.godine - Ministarstvu komunalne privrede i infrastrukture Kantona Sarajevo.

**Odgovor:**

Vežano za inicijativu koju ste uputili na 1.sjednici O.V. Općine Novi Grad Sarajevo obavještavamo Vas da je dat nalog za sanaciju udarnih rupa u ulici Antuna Branka Šimića broj 1.

2. Inicijativu za asfaltiranje ulice Tjepovački put Dobroševići

Obrazloženje prijedloga inicijative: Molim nadležnu službu da razmotri mogućnost sanacije i asfaltiranja oštećene makadamske ulice TJEPOVAČKI PUT u kojoj se nalazi popularni novogradski etno restoran „SARAJEVSKA BAJKA“. Asfaltiranjem ulice omogućili bi našim sugrađanima lakši pristup prelijepom prirodnom okruženju i na taj način doprinjeli indirektnom poticaju za razvoj porodičnog eko turizma koji je posebno važan u vrijeme koronavirusa.

**Odgovor:**

Vežano za inicijativu vijećnice Enise Spahić, koja se odnosi na sanaciju dijela ulice Tjepovački put, Mjesne zajednice „Dobroševići“, treba istaći da je tekuća Budžetska 2021. godina tek nastupila i da je u toku zimska sezona. Nakon dostavljenih zahtjeva od strane Mjesnih zajednica i Općinskog vijeća, sagledat će se mogućnost realizacije sa tehničkog i finansijskog aspekta u okviru sredstava izdvojenih u Budžetu 2021. godine, za ovu namjenu. Kada se sagledaju svi prispjeli zahtjevi formirat će se lista prioriteta u okviru finansijskih sredstava u skladu sa ustaljenom procedurom.

3. Inicijativu za zamjenu oštećenog i napuklog drvenog električnog stuba betonskim MZ Alipašin Most II

Obrazloženje prijedloga inicijative: U ulici Safeta Zajke br.42 MZ Alipašin Most II, iza zgrade Miljacka, u više navrata stanovnici su tražili rješavanje problema električnih stubova. Obećana im je zamjena oštećenog, napuklog, drvenog stuba betonskim, ali do sada su samo kao privremeno rješenje poduprli oštećeni stub. Na stubu se osim žica za struju nalaze i žice BH Telekoma i kod jačeg vjetra pojavljuju se varnice zbog čega okolno stanovništvo strahuje od mogućeg požara.

**Odgovor:**

Na osnovu Vaše inicijative sa 1. radne sjednice Općinskog vijeća Novi Grad Sarajevo održane dana 11.02.2021. godine, a koja se odnosi na rješavanje problema dotrajalih drvenih stubova, obavještavamo Vas sljedeće:

- Aktom broj 02/08-19-127/21 RMI od 06.07.2020.godine, dostavili smo Vašu inicijativu na nadležno postupanje Elektroprivreda BIH d.d.-Sarajevo, podružnica „Elektrodistribucija“ Sarajevo.

**Prilog:** Dopis br. 02/08-19-127/21 RMI od 06.07.2020.godine, Elektroprivreda BIH d.d.-Sarajevo, podružnica „Elektrodistribucija“ Sarajevo



### **-vijećnica Merjem Ridžal-**

Podnosim inicijativu za asfaltiranje oko cca 300 m dijela ulice Ferida Srnje, a blizu ulice Safeta Hadžića. Pristup za dvadesetak kuća u tom dijelu je veoma otežan, a kada snijeg padne potpuno je onemogućen. Građani će sa svoje strane podnijeti zahtjev preko MZ "Švrakino selo II"

#### **Odgovor:**

Vežano za inicijativu vijećnice Merjem Ridžal, koja se odnosi na sanaciju dijela ulice Ferida Srnje, mjesne zajednice "Švrakino selo II", treba istaći da je tekuća Budžetska 2021. godina tek nastupila i da je u toku zimska sezona. Nakon dostavljenih zahtjeva od strane Mjesnih zajednica i Općinskog vijeća, sagledat će se mogućnost realizacije sa tehničkog i finansijskog aspekta u okviru sredstava izdvojenih u Budžetu 2021. godine, za ovu namjenu. Kada se sagledaju svi prispjeli zahtjevi formirat će se lista prioriteta u okviru finansijskih sredstava u skladu sa ustaljenom procedurom.

### **-vijećnik Mirza Memišević-**

1. Da se asfaltira dio ulice Briješće brdo od broja 26 do broja 30,
2. Da se asfaltira dio ulice Mihaljevska kod broja 26.

#### **Odgovor: 1. 2.**

Vežano za inicijativu vijećnika Mirze Memiševića, koja se odnosi na sanaciju dijela ulice Briješće brdo od broja 26 do broja 30, MZ "Briješće" i sanaciju dijela ulice Mihaljevska kod broja 26, MZ "Dobroševići", treba istaći da je tekuća Budžetska 2021. godina tek nastupila i da je u toku zimska sezona. Nakon dostavljenih zahtjeva od strane Mjesnih zajednica i Općinskog vijeća, sagledat će se mogućnost realizacije sa tehničkog i finansijskog aspekta u okviru sredstava izdvojenih u Budžetu 2021. godine, za ovu namjenu. Kada se sagledaju svi prispjeli zahtjevi formirat će se lista prioriteta u okviru finansijskih sredstava u skladu sa ustaljenom procedurom.

3. Za obnovu fasade u ulici Petra Tiješića

#### **Odgovor:**

- Sva pitanja koja se odnose na zajedničke dijelove zgrada kolektivnog stanovanja, u ovom slučaju fasade, određena su Zakonom o upravljanju zajedničkim dijelovima zgrade (Službene novine Kantona Sarajevo br. 19/17).
- Općina Novi Grad Sarajevo je u ranijem periodu pribavila investiciono-tehničku dokumentaciju i saglasnosti nadležne općinske službe za tekuće održavanje fasada, za nekoliko zgrada kolektivnog stanovanja na području naselja Dobrinja, Alipašino polje i Saraj polje, s ciljem sanacije mehaničkih oštećenja fasada zgrada nastalih u toku ratnih razaranja, u periodu od 1992. do 1995. godine, sa akcentom na utopljanje fasada, radi toplotne zaštite i uštede energije, te na redizajnu fasada u svrhu funkcionalne i estetske opravdanosti projekata.
- Projekat utopljanja zgrada u naselju Alipašino polje, u ulici Semira Frašte, je bio „pilot projekat“, a Općina Novi Grad Sarajevo dalje nije u mogućnosti realizovati ovakve projekte bez podrške Ministarstva prostornog uređenja, građenja i zaštite okoliša Kantona Sarajevo, te ostalih resornih subjekata.
- Projekti poboljšanja energijske efikasnosti stambenih zgrada i javnih objekata do sada su, uglavnom, implementirani u saradnji sa resornim Ministarstvima Kantona Sarajevo, Kantonalnim stambenim fondom, UNDP-om i sl.
- Shodno navedenom, neophodno je, putem odabranog Upravnika na predmetnim ulazima zgrada kolektivnog stanovanja, obraćanje resornom ministarstvu i dalje u svemu postupati u skladu sa obavezujućim odredbama Zakona o upravljanju zajedničkim dijelovima zgrade („Službene novine KS“ br.19/17).
- Kada su u pitanju nužne popravke, Općina Novi Grad Sarajevo svake godine, shodno raspoloživim finansijskim sredstvima, na prijedlog Službe za inspeksijske poslove, usvoji Program za obavljanje nužnih popravki na zajedničkim dijelovima zgrada kolektivnog stanovanja. Zbog ograničenih

finansijskih sredstava, programom nije moguće obuhvatiti sve objekte koji se kandiduju od strane upravnika, te je broj objekata koji se uvrste u program vrlo ograničen.

- Zbog ograničenih finansijskih sredstava, kao i raspoložive projektne dokumentacije, u 2020. godini nije bila moguća realizacija kompletnog programa (nužne popravke na ukupno 19 objekata kolektivnog stanovanja), pa je u proteklom periodu završena realizacija ugovora o izvođenju radova nužnih popravki za prvih deset objekata iz usvojenog programa za 2020. godinu.
- Tokom 2021. godine, nakon usvajanja Budžeta Općine za 2021. godinu, u skladu sa Planom Javnih nabavki, pristupit će se pribavljanju investiciono tehničke dokumentacije i ostalim aktivnostima za izvođenje nužnih popravki na preostalim devet objekata iz gore navedenog programa za 2020. godinu, eventualno i za objekte koji se uvrste u Program za 2021. godinu.
- Ukoliko se oobjekti kolektivnog stanovanja u ulici Petra Tiješića uvrste u Program nužnih popravki na zajedničkim dijelovima zgrada kolektivnog stanovanja za 2021. godinu, Služba će nastaviti aktivnosti na realizaciji istog.

4. Za popravku rasvjete u ulicama Gradačaćka i Ilije Engela, kao i na parkingu kod tržnog

Bingo u Gradačaćkoj ulici.

### **Odgovor:**

Na osnovu Vaše inicijative sa 1. radne sjednice Općinskog vijeća Novi Grad Sarajevo održane dana 11.02.2021. godine, a koja se odnosi na neispravnu rasvjetu, obavještavamo Vas sljedeće:

- Aktom broj 02/08-19-135/21 RMI od 26.02.2021.godine, dostavili smo Vašu inicijativu na nadležno postupanje Ministarstvu komunalne privrede i infrastrukture Kantona Sarajevo.

**Prilog:** Dopis br. 02/08-19-135/21 RMI od 26.02.2021.godine, Ministarstvu komunalne privrede i infrastrukture Kantona Sarajevo

### **b) Vijećnička pitanja**

#### **-vijećnik Silvije Kristić-**

Da li su izdvojena sredstva za izgradnju kolektora za Naselja Zabrdje, Dobroševići, Reljevo i Sokolje?

Obrazloženje: Obzirom da se pristupilo izradi Regulacionog plana "Zabrdje", čiji je dio, koji se odnosi na odvodnju i prečišćavanje otpadnih voda, u okviru dijela komunalne hidrotehnike, završen i da je dobio saglasnost od KJKP Vodovod i kanalizacija, te da će uskoro ići u javnu raspravu, te na usvajanje putem Gradskog vijeća grada Sarajevo.

### **Odgovor:**

Za izgradnju Prečištača otpadnih-sanitarno fekalnih voda kao ni za izgradnju separatne kanalizacione mreže kroz naselje Zabrdje u 2021. godini nisu planirana sredstva.

### **Obrazloženje:**

- Izgradnja separatne kanalizacione mreže prema RP "Zabrdje" se može planirati tek nakon izgradnje Prečištača otpadnih sanitarno-fekalnih voda.
- Ukoliko se Prečištač prostorno-planskom dokumentacijom pozicionira na području Općine Novi Grad Sarajevo, Općina je nadležna za rješavanje imovinsko-pravnih odnosa i izdavanje građevinske dozvole kao i za izdvajanje materijalnih sredstava u skladu sa raspoloživim sredstvima.
- Za izgradnju istog (nakon prostornog pozicioniranja) nadležno je Ministarstvo komunalne privrede, infrastrukture, prostornog uređenja, građenja i zaštite okoliša KS, KJKP VIK i Općina.

- Radi se o veoma kompleksnom projektu, milionske vrijednosti koji Općina kao jedinica lokalne samouprave ne može samostalno planirati niti izvoditi bez saradnje sa višim nivoima vlasti.

Obradila:

Služba za investicije i  
komunalne poslove

Po ovlaštenju Općinskog načelnika  
Pomoćnik Općinskog načelnika

Senka Gafić, dipl.ing. građ.

Općinski načelnik

mr. Semir Efendić



BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
- OPĆINSKI NAČELNIK -  
Služba za investicije i komunalne poslove

Broj:02/08-19-3655/21MR  
Sarajevo,22.02.2021.god.

**KANTON SARAJEVO**  
**Ministarstvo saobraćaja**  
**ul. Reisa Dž. Čauševića br.1**  
**Sarajevo**

**PREDMET:**Vijećnička inicijativa, dostavlja se

Općinska vijećnica gđa. Elza Gaković je na 1. sjednici Općinskog vijeća Općine Novi Grad Sarajevo pokrenula inicijativu sljedećeg sadržaja:

Problem sa gradskim prevozom u mjesnim zajednicama Zabrđe, Sokolje, Dobroševići, Rječica traju već godinama. Građani su izrevoltirani neodgovornim odnosom i posljedicama kašnjenja na posao a djeca nemaju mogućnost na vrijeme i bez kašnjenja doći u školu. Jedino što traže jeste odvijanje javnog saobraćaja prema već odavno utvrđenom režimu vožnje.

Upozoravali smo godinama ali stanje je sve gore i gore.

Nekoliko puta pokretana je inicijativa o proširenju postojeće linije Željeznička stanica - Rajlovac na Željeznička stanica - Smiljevići.

Resursi već postoje. Mi ne tražimo upošljavanje novih vozača niti dodatni autobus. Građani i djeca svakodnevno vrlo nesigurnom cestom primorani su po 5 kilometara pješaćiti u jednom smjeru.

Tražimo hitni odgovor nadležnog ministarstva i rješavanje ovog problema. Građani ne žele više da trpe ovakav ponižavajući odnos prema njima te će u slučaju ne rješavanja ovog pitanja biti primorani odgovor tražiti ispred nadležnih institucija.

Molimo da se očitujete o mogućnosti realizacije predmetne inicijative.Ujedno Vas informišemo da Vam ,u slučaju potrebe za dodatnim informacijama, stojimo na raspolaganju.  
S poštovanjem!

Obradila: Ratković Mirsada, stručni saradnik za pravne poslove

Kontrolisao:  
Šef Odsjeka za saobraćajnu infrastrukturu  
Kenan Bukva, dipl. ing. saobr.

DOSTAVITI:

1. Naslovu
2. U spis



Adresa: BiH, 71 000 Sarajevo, Bulevar Meše Selimovića br.97

tel: ++ 387 33 29 11 16; ++ 387 33 29 11 76 fax: ++ 387 33 29 13 12; ++ 387 33 29 12 78



BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
**OPĆINA NOVI GRAD SARAJEVO**  
**- OPĆINSKI NAČELNIK -**  
*Služba za investicije i komunalne poslove*

Broj:02/08-19-127/21 RMI  
Sarajevo, 25.02.2021.godine

**JP Elektorprivreda BiH d.d. – Sarajevo,**  
**Podružnica “Elektrodistribucija” Sarajevo,**  
**info.edsa@ep.bih.ba**

**PREDMET: Vijećnička inicijativa, dostavlja se**

Općinska vijećnica Enisa Spahić je na 1. radnoj sjednici Općinskog vijeća Općine Novi Grad Sarajevo pokrenula inicijativu sljedećeg sadržaja:  
„U ulici Safeta Zajke br.42 mjesna zajednica Alipašin Most II, iza zgrade Miljacka, u više navrata stanovnici su tražili rješavanje problema električnih stubova. Obećana im je zamjena oštećenog, napuklog, drvenog stuba betonskim, ali do sada su samo kao privremeno rješenje poduprli oštećeni stub. Na stubu se osim žica za struju nalaze i žice BH Telekomu i kod jačeg vjetrova pojavljuju se varnice zbog čega okolno stanovništvo strahuje od mogućeg požara.“

Molimo Vas da se očitujete o mogućnosti i periodu realizacije predmetne inicijative.

S poštovanjem,

Obradio: Mirza Rešidović dipl.ing.arh.

Kontrolisao: Dervo Čolakhodžić, šef Odsjeka

Dostaviti:  
 Naslovu  
2. U spis



Adresa: BiH, 71000 Sarajevo, Bulevar Meše Selimovića 97,  
tel: ++ 387 33 29 11 00; ++ 387 33 29 12 25 fax: ++ 387 33 29 13 12



BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
- OPĆINSKI NAČELNIK -  
Služba za investicije i komunalne poslove

Broj: 02/08-19- 125 /21 vs  
Sarajevo, 23.02.2021. godina

**JU Dom zdravlja  
Kantona Sarajevo**  
ul. Vrazova br. 11  
71 000 Sarajevo

**Predmet : Inicijativa za otvaranje ambulante**

Na 1. radnoj sjednici Općinskog vijeća Općine Novi Grad Sarajevo, održanoj dana 11.02.2021. godine, vjećnica Elza Gaković pokrenula je inicijativu sljedećeg sadržaja:  
"Pokrećem inicijativu za izradu projektne dokumentacije za izgradnju ambulante i mjesne zajednice Zabrđe."

Molimo Vas da se očitujete po navedenoj inicijativi i pismeno nas obavjestite o istom.

S poštovanjem,

Obradila:  
Vesna Mašović ing.grad.

Kontrolisao  
Dervo Čolakhodžić dipl.ing.grad.  
Šef odsjeka za investicije

Dostaviti:  
1. Naslov  
2. Evidencija



Adresa: BiH, 71000 Sarajevo, Bulevar Meše Selimovica 97,  
tel: ++ 387 33 29 11 49 fax: ++ 387 33 29 13 12



BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
**OPĆINA NOVI GRAD SARAJEVO**  
- OPĆINSKI NAČELNIK -  
*Služba za investicije i komunalne poslove*

Broj:02/08-19- *126* /21 RMI  
Sarajevo, 23.02.2021.godine

**Kanton Sarajevo**  
**Ministarstvo komunalne privrede i infrastrukture**  
**Ul. Reis Džemaludina Čauševića br.1**  
**71000 Sarajevo**  
**fax: 033 562 177**

***PREDMET: Vijećnička inicijativa, dostavlja se***

Općinska vijećnica Enisa Spahić je na 1. radnoj sjednici Općinskog vijeća Općine Novi Grad Sarajevo pokrenula inicijativu sljedećeg sadržaja:

„Već duži period ulična rasvjeta u mjesnoj zajednici Staro Hrasno nije u funkciji. Unutar naselja ne radi gotovo niti jedna sijalica.


Zimski je period, rano se smrači i ne treba posebno naglašavati otežano kretanje i opravdan strah stanovnika za svoju sigurnost, a posebno za sigurnost djece i starijih osoba.

Građani se zatvaraju u stanove, strepe pred kriminalom i svakom drugom nevoljom koju donosi mrak.“


S obzirom da je održavanje javne rasvjete u Vašoj nadležnosti, molimo Vas da se očitujete o mogućnosti i periodu realizacije predmetne inicijative.

S poštovanjem,

Obradio: Mirza Rešidović dipl.ing.arh. 

Kontrolisao: Dervo Čolakhodžić, šef Odsjeka 

Dostaviti:  
 Naslovu  
2. U spis



Adresa: BiH, 71000 Sarajevo, Bulevar Meše Selimovića 97,  
tel: ++ 387 33 29 11 00; ++ 387 33 29 12 25 fax: ++ 387 33 29 13 12



BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
**OPĆINA NOVI GRAD SARAJEVO**  
**- OPĆINSKI NAČELNIK -**  
*Služba za investicije i komunalne poslove*

Broj:02/08-19- 137/21 RMI  
Sarajevo, 26.02.2021.godine

**Kanton Sarajevo**  
**Ministarstvo komunalne privrede i infrastrukture**  
**Ul. Reis Džemaludina Čauševića br.1**  
**71000 Sarajevo**  
**fax: 033 562 177**

**PREDMET: Vijećnička inicijativa, dostavlja se**


Općinska vijećnik Mirza Memišević je na 1. radnoj sjednici Općinskog vijeća Općine Novi Grad Sarajevo pokrenuo inicijativu :

„za popravku rasvjete u ulicama Gradačačka i Ilije Engela, kao i na parkingu kod trznog Bingo u Gradačačkoj ulici”.


S obzirom da je održavanje javne rasvjete u Vašoj nadležnosti, molimo Vas da se očitujete o mogućnosti i periodu realizacije predmetne inicijative.

S poštovanjem,

Obradio: Mirza Rešidović dipl.ing.arh. 

Kontrolisao: Dervo Čolakhodžić, šef Odsjeka 

Dostaviti:  
1. Naslovu  
2. U spis

Po odobrenju Općinskog načelnika  
Pomoćnik Općinskog načelnika  
Senka Galić, dipl.ing.grad. 

Adresa: BiH, 71000 Sarajevo, Bulevar Meše Selimovića 97,  
tel: ++ 387 33 29 11 00; ++ 387 33 29 12 25 fax: ++ 387 33 29 13 12



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD  
OPĆINSKI NAČELNIK

Broj:  
Sarajevo, 24.02. 2021. godine

**OPĆINSKOM VIJEĆU**  
**O v d j e**

**PREDMET: Odgovor na vijećničko pitanje – inicijativu; dostavlja se;**

**Inicijativa:**

Vijećnik Adi Škaljić je na 1. radnoj sjednici Općinskog vijeća Novi Grad Sarajevo održanoj 11.02.2021. uputio inicijativu o izradi i potpisivanju Sporazuma o saradnji između Općine Novi Grad Sarajevo i Pozorišta mladih Sarajevo, koji bi se omogućilo redovito igranje predstava za mlade u Multimedijalnoj sali Općine Novi Grad Sarajevo.

**Po navedenoj inicijativi informišemo kako slijedi:**

Kino Novi Grad Sarajevo je otvoreno 26. decembra 2013. godine i to je bilo prvo digitalno kino na području Općine Novi Grad Sarajevo. Cilj ovog projekta je bio da se stanovnicima Općine omogući da prate filmski repertoar koji je u isto vrijeme prikazivan u svim svjetskim kinima, kao i komercijalnim kinima na području Kantona Sarajevo kao i da se omogući organizacija namjenskih projekcija za učenike novogradskih osnovnih i srednjih škola. Prednosti navedenog kina su ne samo blizina našim sugrađanima nego i pristupačnost cijena karata (za aktualne filmska ostvarenja) u odnosu na ostala kina koja iznosi 4,00 KM za odrasle, odnosno 3,00 KM za dječije projekcije, te besplatni parking. O kontinuiranoj afirmaciji ovog projekta najbolje govori statistika prema kojoj je u 2019. godini Kino Novi Grad posjetilo 17.515 gledalaca od toga 12.267 djece.

Sa proglašenjem pandemije a u skladu sa Odlukom o proglašenju stanja nesreće uzrokovane pojavom koronavirusa (Covid 19) na području F BiH („Službene novine FBiH“ broj: 21/20), te propisanim mjerama u 2020. godine filmske projekcije su bile obustavljene. Kada su higijensko-epidemiološke prilike dozvolile kino je ponovo krenulo sa radom, a broj posjetitelja koji su mogli prisustvovati projekcijama bio je ograničen na 30 u skladu sa higijensko-epidemiološkim preporukama nadležnih kriznih štabova Ministarstva zdravstva KS i FBiH .

Iako je Općina Novi Grad Sarajevo dobila savremeno multipleks kino, smatramo da zbog kvalitetnog odabira filmova, pristupačnosti same cijene u odnosu na ostala kina, Kino Novi Grad će i dalje imati svoju publiku te da je ovaj projekat bitno zadržati. Filmski program je do pandemije Korona virusom pratio repertoar i nije zaostajao za ostalim kinima u gradu, što su posjetitelji cijenovali a Kino Novi Grad steklo svoju publiku.

U pogledu predložene saradnje sa Pozorištem mladih informišemo Vas da je Općina Novi Grad u prethodnim godinama imala dobru saradnju kako sa ostalim pozorištima tako i sa Pozorištem mladih. U skladu sa tehničkim mogućnostima scene, općinske Multimedijalne sale uspostavljali smo saradnju ne samo za pozorišne predstave za širu publiku, nego i za dječije pozorišne predstave (u 2019. dječiju pozorišnu predstavu Princeza na zrnu graška, Pozorišta mladih imali su priliku vidjeti učenici četvrtih razreda svih novogradskih osnovni škola). Svakako, u skladu sa poboljšanjem higijensko-epidemiološke situacije, čim se steknu uslovi za organizacijom i održavanjem predstava kojima će moći prisustvovati veći broj posjetitelja u odnosu na trenutna ograničenja, a u skladu sa Planom i programom rada Službe, pokrenut ćemo saradnju sa pozorišnim kućama na zadovoljstvo naših sugrađana svih generacija.

**Pitanja:**

- Vijećnica Elza Gaković je na 1. sjednici Općinskog vijeća Novi Grad Sarajevo, održanoj 11.02.2020. godine uputila sljedeću inicijativu:" Podnosim inicijativu za povećanje transfera prevoz školske djece.

Obrazloženje:

Zbog situacije sa COVID-19 i mjere kriznog štaba broj djece u jednom školskom autobusu je ograničen, iz tih razloga djeca su primorana pješaćiti po 3 kilometra do škole. Mjere iziskuju angažovanje dodatnog autobusa za prevoz đaka, koji je u ovom periodu neophodan.

Po navedenoj inicijativi informišemo vas slijedeće:

Općina Novi Grad Sarajevo je resornim ministarstvima Kantona Sarajevo, Ministarstvu obrazovanja nauke i mladih i Ministarstvu saobraćaja, uputila akt broj 02/06-34-15279/20 dana 17.09.2020 i informisala iste o potrebi reorganizacije prevoza učenika koji pohađaju osnovne škole a stanuju na većoj udaljenosti od 2 km od škole, na lokalitetima koji nisu obuhvaćeni linijama javnog gradskog saobraćaja kao i zataržila saglasnost za organizaciju prevoza učenika u skladu sa higijensko-epidemiološkom situacijom i „Smjericama za prevenciju i kontrolu infekcije COVID-19 u osnovnim i srednjim školama u Kantonu Sarajevo“ donesenih od strane Zavoda za javno zdravstvo Kantona Sarajevo.

Da bi se ispoštivale naložene higijensko-epidemiološke mjere i obezbijedio prevoz naprijed navedenih učenika OŠ „Sokolje“ javila se potreba za organizovanjem 2 autobusa kapaciteta 50 sjedećih mjesta umjesto 1 autobusa sa 50 sjedećih mjesta kako je to bilo organizovano prije pojave korona virusa.

Ministarstvo saobraćaja Kantona Sarajevo se na naprijed navedeni dopis Općine Novi Grad Sarajevo očitovalo Dopisom broj. 04-23-36469/20 dana 12.10.2020. godine u kojem je Općini data saglasnost da pokrene proceduru da se angažuje dodatni autobus za prevoz učenika. U skladu sa navedenim očitovanjem, pokrenuta je procedura javne nabavke za pružanje usluge prevoz učenika OŠ "Sokolje" (organizovanjem 2 autobusa kapaciteta 50 sjedećih mjesta), te je nakon provođenja iste zaključen ugovor sa prevoznikom Centrotans Eurolines dana 10.02.2021. godine.

Prevoz učenika se početkom drugog polugodišta školske 2020/2021. godine odvijao neometano i u skladu sa higijensko-epidemiološkim mjerama i preporukama, do trenutka kada je zbog pogoršane higijensko-epidemiološke situacije u Kantonu Sarajevo odvijanje nastave školama obustavljeno i svi učenici prebačeni na on line nastavu zbog čega je i prevoz učenika je obustavljen do daljnjeg.

Odgovor obradila:

Služba za obrazovanje, kulturu i sport

**Po ovlaštenju Općinskog načelnika  
pomoćnik Općinskog načelnika**

**Adisa Šuman dipl.oec.**

**Općinski načelnik**

**mr. Semir Efendić**